



**ЗООНОЗЫН ӨВЧИН СУДЛАЛЫН  
ҮНДЭСНИЙ ТӨВИЙН ЗАХИРЛЫН  
ТУШААЛ**

2016 оны 02 сарын 25 өдөр

Дугаар А/08

Улаанбаатар хот

**Халдварын сэргийлэлт, хяналтын багийн  
бүрэлдэхүүнийг шинэчлэх тухай**

Эрүүл мэндийн сайдын 2009 оны 158, 2012 оны 375, 2014 оны 186,187 дугаар тушаалууд, Байгууллагын хөдөлмөрийн дотоод журмын 4.4.15 заалтыг үндэслэн тусламж үйлчилгээний чанар аюулгүй байдлыг хангах, халдварын сэргийлэлт, хяналтын тогтолцоог бэхжүүлэх зорилгоор ТУШААХ нь:

1. Халдварын сэргийлэлт, хяналтын багийн бүрэлдэхүүнийг I, ажиллах журмыг II хавсралтаар тус тус баталсугай.
2. Багийн үйл ажиллагааны төлөвлөгөө, хяналтын графикийг батлуулан, хэрэгжилтэд хяналт тавьж ажиллахыг Халдварын сэргийлэлт, хяналтын багийн дарга /Э.Тунгалаг /-д үүрэг болгосугай.
3. Халдварын сэргийлэлт, хяналтын багийн гишүүдийн ажлын гүйцэтгэл, үр дүнг улирал бүр үнэлэн, удирдлагын шийдвэрийг үндэслэн гишүүдэд 50000 хүртэлх төгрөгийн нэмэгдэл олгохыг Ахлах нягтлан бодогч /З.Ууганцэцэгт /-д зөвшөөрсүгэй.
4. Тушаалын хэрэгжилтэд хяналт тавьж ажиллахыг Нийгмийн эрүүл мэнд, сургалт, эрдэм шинжилгээний албаны дарга /Д.Цэрэнноров/-д үүрэг болгосугай.
5. Энэхүү тушаал гарсантай холбогдуулан Төвийн захирлын 2015 оны а/26, а/33 дугаар тушаалуудыг тус тус хүчингүй болсонд тооцсугай.

ЗАХИРАЛ



Н.ЦОГБАДРАХ

Төвийн захирлын 2016 оны 002  
дугаар сарын 25-ны өдрийн 07/08  
дугаар тушаалын I хавсралт

## ХАЛДВАРЫН СЭРГИЙЛЭЛТ ХЯНАЛТЫН БАГИЙН БҮРЭЛДЭХҮҮН

Дарга: Э.Тунгалаг - ЧХҮДАА-ны дарга

Нарийн бичгийн дарга: У.Нармандах –МТА-ны дарга

Гишүүдэд:

Б.Байгалмаа - ЛЛТасгийн чанарын менежер

Н.Цэрэнбүжид – ЛЛТасгийн ЭЗЧХЛ-ийн нян судлагч

Ц.Отгонцэцэг – ЭУББТС-ны Тархвар судлагч

Г.Зулцэцэг - АХБҮТасгийн тархвар судлагч

Ж.Эрдэнэбилэг - Эрүүл зүйн чанарын лаборант

Төвийн захирлын 2016 оны 02  
дугаар сарын 25-ны өдрийн 11.03  
дугаар тушаалын II хавсралт

## ХАЛДВАРЫН СЭРГИЙЛЭЛТ, ХЯНАЛТЫН БАГИЙН АЖИЛЛАХ ЖУРАМ

Нэг: Ерөнхий зүйл

1.1. Энэхүү журмын зорилго нь зоонозын халдварт өвчний халдвартай ба сэжигтэй материалтай ажиллах зааврын биелэлтэнд халдварын сэргийлэлт хяналтын багийн /цаашид ХСХБаг гэх/ дарга, гишүүд байнгын хяналт тавьж, илэрсэн зөрчлийг засуулах, холбогдох арга хэмжээг шуурхай зохион байгуулахад оршино.

1.2. Шинээр ажилд орж байгаа ажилчид зааврыг бие даан судлуулан 3 хоногийн дотор шалгалт авна. Шалгалт авсан ХСХБагийн гишүүн тухайн хүнд Халдварын сэргийлэлт, хяналтын зааварчилгаа өгч, заавчирлагааны хуудсанд тэмдэглэн, цаашид тус байгууллагад ажиллах эсэхэд бичгээр баталгаа гаргаж өгнө.

1.3. Ажлын бус цагаар халдвартай ба сэжигтэй материалтай ажиллах үед ХСХБагийн гишүүдийн зөвшөөрлөөр тухайн хэсэгт 2-оос доошгүй хүний бүрэлдэхүүнтэй ажиллана.

1.4. Бусад байгууллагын ажилтанууд лабораторид ажиллах тохиолдолд Халдварын сэргийлэлт, хяналтын багийн дарга, нарийн бичиг зөвшөөрөл олгож, тухайн мэргэжилтний хяналтанд ажиллуулна.

1.5. Лаборатори болон биоүйлдвэрлэлээс эд зүйл, тоног төхөөрөмж, эм урвалж, оношлуур зэргийг гадны байгууллагад шилжүүлэхдээ байгууллагын удирдлагын зөвшөөрлөөр, ХСХБагийн хяналтан дор гүйцэтгэнэ.

1.6. Төвийн захирлын тушаалаар батлагдсан зарим нэг /дуудлага, вакцин, илүү цагаар ажиллах гэх мэт/ анхан шатны бүртгэл хөтлөлтөнд хяналт тавьж ажиллана.

1.7. Биологийн аюулын III, IV зэрэглэлийн /олон улсын ангилалаар/ бичил биетэнтэй ажиллах туршилт, судалгааны ажлын зөвшөөрлийг ХСХБагийн хурлын тэмдэглэлийг үндэслэн байгууллагын удирдлагын шийдвэрээр олгоно.

Хоёр. Багийн эрх, үүрэг

Зоонозын өвчин судлалын үндэсний төвийн халдварын сэргийлэлт, хяналтын багийн бүрэлдэхүүн нь байгууллагын даргын тушаалаар баталгаажиж, 7-9 хүний бүрэлдэхүүнтэй доорх эрх, үүрэгтэй ажиллана. Үүнд:

2.1. Багийн гишүүдийн үүрэг:

2.1.1 Халдварын сэргийлэлт хяналтын баг нь жилийн төлөвлөгөө, хяналт хийх хуваарийг баталгаажуулж, багийн гишүүд нь хуваарийн дагуу хяналт шалгалтыг чанартай хугацаанд гүйцэтгэнэ.

2.1.2 Тасаг, лабораториудад гарсан осол, зөрчлийг ХСХБагийн бүрэлдэхүүнээр шалгаж, шалтгааныг тогтоож, авах арга хэмжээний саналыг захиргааны зөвлөлийн хурлаар оруулж шийдвэрлүүлнэ.

2.1.3 Барилга, байгууламжид засвар хийх, өрөө тасалгааны байршил өөрчлөх, эрдэм шинжилгээ, сорил туршилтын ажлыг явуулах бэлтгэл хангах болон ажлын явцад хяналт тавьж дүгнэлт гаргана.

2.1.4 Халдвартай ба сэжигтэй материалтай ажилладаг эмч, ажилчдаас жилд 1 удаа шалгалт авч ажиллах эрхийг тушаалаар баталгаажуулна. Шалгалтанд 2 удаа хангалтгүй дүн үзүүлсэн ажилтныг цаашид ажиллуулах эсэхийг ХСХБагийн дүгнэлтийг үндэслэн захиргаа шийдвэрлэнэ.

2.1.5 Зоонозын халдварт өвчний үүсгэгчийн нянгийн өсгөврөөр эрдэм шинжилгээ, судалгааны ажлыг хийх зөвшөөрөл олгох, өндөр хоруутай эмгэг төрүүлэгч нянгаар амь сорьцын амьтанд халдвар хийх судалгааны ажлын явцад хяналт тавина.

2.1.6 Халдварт өвчний үүсгэгчийг яаралтай шинжлэх зайлшгүй шаардлагатай үед зориулалтын лаборатори хүрэлцэхгүй нөхцөлд нян судлалын болон бусад лабораториудыг зааврын дагуу өөрчлөн өргөтгөж ажиллуулахаар захиргаанд санал тавьж шийдвэрлүүлнэ.

2.1.7 Тасаг, лабораторид ажлын бус цагаар ажиллах ажиллагсдад зөвшөөрөл олгоно.

## 2.2. Багийн гишүүдийн эрх:

2.2.1 Байгууллагын удирдлага, тасаг, албаны дарга, эрхлэгч, нийт эмч, ажилтнуудад зоонозын халдварт өвчний халдвартай буюу сэжигтэй материалтай ажиллахад мөрдөх халдвар эсэргүүцэх зааврыг баримталж ажиллахыг шаардах.

2.2.2 Аюулгүй ажиллагааны заавар, халдвартай буюу сэжигтэй материалтай ажиллах зааврыг зөрчигчдөд хариуцлага тооцох саналыг захиргаанд оруулах.

2.2.3 Зоонозын халдварт өвчний үүсгэгчтэй (нянтай) буюу сэжигтэй материалтай ажиллаж байгаа бусад байгууллагын лаборатори, тасагт зааврыг хэрхэн биелүүлж, мөрдөн ажиллаж байгааг шалган, мэргэжлийн дүгнэлт гаргах.

2.2.4 Зааврын шаардлагыг хангаж чадаагүй зөрчилтэй лаборатори, байранд зоонозын халдварт өвчний халдвартай буюу сэжигтэй материалтай ажиллах зөвшөөрлийг цуцлах буюу хориглох.

2.2.5 Халдвар хамгааллын онцлог, ажлын шаардлагатай уялдаж Төвөөс баталсан бүртгэлүүдээс гадна шинжилгээ, судалгааны ажилд нэмж хөтлөгдөх маягт, бүртгэлүүдийн хөтлөлтөнд хяналт тавих.

2.2.6 Үйл ажиллагааны болон дэглэмийн зөрчил гаргаж хаагдсан лаборатори, боксын үйл ажиллагааг хэвийн болсон үед үйл ажиллагааг эхлэх зөвшөөрөл олгох.

## Гурав. Багийн гишүүдийн хариуцлага

3.1 Багийн гишүүд журамд зааснаас өөрөөр эрхээ хэтрүүлэн ашиглах, захиргааны болон халдварын сэргийлэлт, хяналтын багийн хурлын шийдвэр эцэслэн гараагүй, асуудлын шалтгаан нотлогдоогүй тохиолдолд бусдад мэдээлэл тараах зэргээр хариуцлага, сахилгын зөрчил гаргавал хөдөлмөрийн дотоод журам, бусад хууль дүрмийн дагуу хариуцлага хүлээнэ.

3.2 Журамд заасан үүргээ биелүүлээгүй, ажилдаа хариуцлагагүй хандсан тохиолдолд захиргааны шийдвэрээр улирлын урамшуулалыг олгохгүй.